

Tupac

lo & leduc

Yeah, oho nanana, oh yeah

Mängisch muäsmä nüt sägä, mängisch isch aues scho vrzeit
U si isch ä Schuss u ig dr Tupac, so wi si mi ah di Wang hiä steut
So wi si mi ah di Wang hiä, so wi si mi ah di Wang hiä steut
I gloub, i stirbä hüt am Abä, eh

Si fragtnä i brochnem Dütsch, isch är Leduc
Ja, abr nümme ledig u drum hetsechs erledigt
Sorry Baby, är isch married
Für ihn muäsch du früächer ufstah, aus wär är ä Märit
Scho mit 10i di Musä gah fragä u di Musig het „ja“ gseit, ja
Ke Trophäe, doch i hautesä höch sit däm i si ha troffä
Oh wesi mängisch geit
Oh, i bi so vrschossä, scho chli tot gsi
Doch si houtmi widr zrügg, chunt si zrügg, Machiavelli
Was heisst scho ä Vrflossenä, ä Vrflosseneni
We beidi Aquarell si, mau dr ds us
Und i jump uf di Rhytm, Trampolin springä, Adrenalin
Di anderä no immer, irgendwo am Bodä am Üübä
Am Umähüenerä, Tandoori Chicken

Mängisch muäsmä nüt sägä, mängisch isch aues scho vrzeit
U si isch ä Schuss u ig dr Tupac, so wi si mi ah di Wang hiä steut
So wi si mi ah di Wang hiä, so wi si mi ah di Wang hiä steut
I gloub, i stirbä hüt am Abä, abr i cha gah, wüu i ha itzä aues gseit

Lug i bi duss
I mah nid ga ligä, äs ligt öpis i dr Luft
U plötzlech bisch du da
U weni nid ufpass wirdi ä rückwärts Tupac
Wüu du machsch mi kaputt
U jedesmau, we du da bisch gsi
Hani Angst, du chunsch niä meh widr
U gd we du am Gah bisch, seisch mr „so bini“
Und i söu nid so schwirig tuä, sig no biggy
Oh i bi so vrschlossä, scho chli broke gsi
Doch si hout mi widr zrügg, chunt si zrügg, Machiavelli
Was heisst scho ä Vrflossenä, ä Vrflosseneni
We beidi Aquarell si, mau dr ds us
Wines Mandalä, sägmr Young Caran d’Ache
Sägmr Young Dagga, Süässi i dä Bletter
Sägmr Baklava, sägmr Young Magellan, rund um d Wäut
Solang ig irä nachä mah

Mängisch muäsmä nüt sägä, mängisch isch aues scho vrzeit
U si isch ä Schuss u ig dr Tupac, so wi si mi ah di Wang hiä steut
So wi si mi ah di Wang hiä, so wi si mi ah di Wang hiä steut
I gloub, i stirbä hüt am Abä, abr i cha gah, wüu i ha itzä aues gseit

I chas nid mit irä ufnäh
Wi söui de jemaus widr irgendöpis ufnäh oni si
Wüu si isch drvo und ig vrlorä und i hoffä, i truffä si
Irgendeinisch singeni inerä Beiz imenä Chleid
Wo däm ähnlech gseht, wo si denn immer het treit
I fragä nümä wiserä geit, wüu

Mängisch muäsmä nüt sägä, mängisch isch aues scho vrzeit
U si isch ä Schuss u ig dr Tupac, so wi si mi ah di Wang hiä steut
So wi si mi ah di Wang hiä, so wi si mi ah di Wang hiä steut
I gloub, i stirbä hüt am Abä, abr i cha gah, wüu i ha itzä aues gseit

I, I ha aues gseit, ey, itz chani gah
I, I ha aues gseit, ey, itz chani gah
Ey